

Պատրաստութիւնը, որուն կ'ենթարկէ մարդ իր անձը, իր մէջ երեւան կը բերէ նոր և հրաշալի գործարաններ, գործելու սեփական ընդունակութիւններ, կուտայ իրեն կեանքը ապրելու որոշ ինքնաշատուկ ուղղութիւններ: Հետեւէ՛ բնութեանդ պահանջներուն, մտիկ ըրէ՛ դուն քեզի, էութեանդ խորքերուն ձայները ժողովելու եւ պատգամներուն ունկնդրելու համար: Ապրէ՛ կեանքը իր կատարելութեան ու լիցումնութեանը մէջ, այնպէս ինչպէս որ տըրուած է քեզի. լրացուր ճակատագիրդ: Այս պայմանով միայն պիտի արուի քեզի իրական մեծութիւնը, այս կերպով միայն պիտի իրագործուի արիւնու, հրամայելու սենչդ: Մարդիկ այն ատեն քեզի պիտի նային լեռան մը գագաթին նայելու պէս, որ արևին անդրանիկ ճառագայթները կը տեսնայ. քեզի պիտի հնարանդին, քեզմէ պիտի առաջնորդուին. և դուն այդ վիճակիդ մէջ ա՛յ պիտի չուզես պզտիկնալ, երբ կեանքի վերջալոյսին կը հասնիս, պիտի չուզես ետ դառնալ անցած ճամբուդ վրայ. վասնզի քու կարճ կեանքիդ մէջ գարձուցիք կեանքին ինչ որ ան տուած էր քեզի համար. ապրեցար կեանքը զարբերու համար. մշտական մեծութեան իրաւունքը չահեցար:

Այն, որչա՛փ մարդիկ կան որ կը չընչեն առանց կեանքը ապրելու. ասոնք Ղովտի կնոջ պէս կը նային իրենց ետեւը, ձախողած կեանքի մը քարացումին մէջ: Հետևողութեամբ Շ. Վահների
Երեսուդեմ Գ. Մ.

„ԴՈՒՔ ԷՔ ԼՈՅՍ ԱՇԽԱՐՀԻ“

Մասք. Ե. 14:

Կը պատմուի թէ փարոսի մը վերակացուի և փոքրիկ լոյսի մը մէջ խօսակցութիւն մը տեղի ունեցած է: Փոթորկալից զիշեր մը փարոսի հսկիչը վառելով փոքրիկ լոյսը, երբ կը պատրաստուի մեծ փարոսի գագաթն ելլել, ի՛նչ կ'ուզես ինձմէ, կը հարցնէ լոյսը, այնչա՛փ պզտիկ եմ որ ոչ ոք զիս չի տեսներ, տուած լոյսս ալ շատ տկար է:

«Մի՛ վախնար, կը պատասխանէ, հըսկիչը, այլ միայն յարատեւէ վառելդ, մինչև որ վերջացնեմ գործս, զոր քեզ հետ պէտք է կատարենք», և ինքը կ'ելլէ ոլորպատոյտ երկար աստիճաններու գագաթը, լոյսը ձեռքը բռնած:

Վերջապէս կը հասնի գագաթը և այդ տկար լոյսով կը վառէ զօրաւոր փարոսը, որ իր ճառագայթները կը զրկէ մղոններ անդին, կատարած ծովու ամենի ալիքներով ուռած կոհակներու վրայ, և շատ չոգենաւներ այդ զիշեր կ'ազատին ժայռերուն զարնուելու և իրար բախելու վտանգէն: Հաւատարիմ փոքրիկ լոյսին պաշտօնը լըմընցած էր այդ ըսպէին՝ երբ չոգենաւներ պատեցան փորձանքէն. հսկիչը գիտէր գայդ:

Կ'ուզե՛ս, եթէ հարկը պահանջէ, ըլլալ «փոքրիկ լոյս» մը, որպէս զի Տէր Աստուած քեզմէ օգուտ մը տեսնէ կրկին վառելու համար փարոսները, որպէս զի անոնք կարենան ազատել շատերը նաւարկութենէ: Գուն չես գիտեր ի՛նչպէս, ի՛նչ կերպով, բայց փարոսի Հսկիչը գիտէ: Կ'ուզե՛ս այդ գործը:

Պօրուան Թեղմ. Ռուսման:ԵԵԵԵ
ՆԵՐՍԷՍ ՔԶԼՅ. Ա.Ս.Ա.ՔԵԼԵԱՆ

ՀԱՅԵՐԷՆԻ ԵՐԵՒԱՆԵԱՆ
ՈՒՂՂԱԳՐՈՒԹԵԱՆ ԽՆԴԻՐԸ

Հ. Ս. Խ. Հ. Ի Գիտութեան և Արուեստի Ինստիտուտի կողմէն «Համադրակիսն Աղյուսակ» մը զրկուած է Հայաստանէն դուրս գրտնուող Հայ և օտար և ձեռնհաս անձերու, անոնց ալ կարծիքը իմանալու համար երեւանի մէջ զարբնուած և այդ աղիւսակին մէջ համադրուած ուղղագրական աւանդակներու մասին:

Աղիւսակը կը հրատարակենք նոյնութեամբ՝ գաղափար մը տուած ըլլալու համար այն ջանքերու և ճիգերու վրայ, չորս Խ. Հ. Ի կառավարութիւնը ի գործ դրած է մեր թանկագին հայերէնի ուղղագրութիւնը այլանդակելու նպատակով:

Նոր ուղղագրութեան ասպետները վերջապէս գտած են կազապար մը՝ անխնայ շարժարուած և անհարկի շարժարուած հայերէնին եղծումները ձեռք մը բերելու համար: Ասիկայ գոհացուցիչ քայլ մըն է, և յոյս կը ներշնչէ թէ բոլորովին դեն պիտի գցեն այս սխալ նորութիւնները: Բայց գծախառնարար չորս Հայ մասնագէտներ ա՛մէն կերպով համաձայն չեն իրարու կարծիքին:

Հայաստանէն դուրս գտնուող հայ և օտար մասնագէտներու առջև աղիւսակ մը